

Headlines

- 1 भारती अंतरिक्ष अनुसंधान संगठन - इसरो नै अपने परतियै इस्तेमाल होई सकने आले Reusable Launch Vehicle की कामयाब लैंडिंग की उपलब्धि हासिल कीती ऐ। सूचना ते प्रसारण मंत्री अनुराग सिंह ठाकुर होरें साईसदानें गी मुबारकबाद दिती ऐ।
- 2 भारत ते भूटान नै अपनी सांझ-भ्याली गी होर तगड़ा बनाने लेई केई सैहमति पत्रें पर अज्ज दस्तखत कीते न।
- 3 भूटान नरेश जिगमे खेसर नामग्याल वांगचुक होरें अज्ज प्रधानमंत्री नरेंद्र मोदी होरें गी भूटान दे सब्बनें शा बड्डे नागरिक सम्मान The order of the Druk Gyalpo कन्नै सम्मानित कीता ऐ।
- 4 जम्मू दे बाहरले इलाके च इक मिनी बस दे पलटोई जाने करी इक महिला की मौत दे दऊं जनें ज़ख्मीं होई गे न।

<><><><><><>

ISRO-Pushpak

भारती अंतरिक्ष अनुसंधान संगठन - इसरो नै अज्ज बड्डलै कर्नाटक दे चित्रदुर्ग परीक्षण रेंज पर अपने परतियै इस्तेमाल होई सकने आहले 'Reusable Launch Vehicle' गी कामयाबी कन्नै हेठ स्तर पर तोआरेया। इसरो दे अध्यक्ष एम. सोमनाथ होरें सोशल मीडिया साईट 'एक्स' पर इक संदेश च अंतरिक्ष यान गी पूरी चाल्ली आटोमेटिक तरीके कन्नै चलाने, हेठ सतह पर तोआरने ते उर्जा प्रबंधन लेई इसरो की टीम गी मुबारकबाद दिती। इसरो नै अंतरिक्ष यान RLV-LEX-02 की कामयाब लैंडिंग दे कन्नै नेवीगेशन, नियंत्रण प्रणाली, लैंडिंग गियर ते रफ्तार गी घट्ट कराने आली प्रणालिं दे खेत्तर च स्वदेशी तकनीकें गी इक बारी फी स्थापित कीता ऐ। लांच व्हीकल पर कीते गेदे टेस्ट च इसरो नै कामयाबी कन्नै ब्रेक पैराशूट, लैंडिंग गियर ब्रेक, स्टेयरिंग प्रणाली ते नेवीगेशन हार्ड वेयर ते साफ्टवेयर की कामयाब आजमाईश कीती ऐ।

<><><><><><>

Anurag-Pushpak

सूचना ते प्रसारण मंत्री अनुराग सिंह ठाकुर होरें पुष्पक (RLV-TD) की कामयाब लैंडिंग लेई इसरो दे साईसदानें गी मुबारकबाद दिती ऐ। सोशल मीडिया की इक पोस्ट च ठाकुर होरें आखेआ जे प्रधानमंत्री नरेंद्र मोदी हुंदे नेतृत्व तैहत भारत नै इस कामयाबी दे कन्नै अंतरिक्ष की खोज सरबंधी खेत्तर की अगुवाई की अपनी बचनबद्धता गी दर्शाई दिता ऐ। उनें आखेआ जे स्हाडे साईसदानें की समर्पण भावना ते किश नमां करी दस्सने दा जज्बा बड्डा सराहनेजोग ऐ ते एहू अंतरिक्ष की खोज सरबंधी खेत्तर च नमीं ऊंचाइयां हासिल कराने च मुख्य की मदाद करै करदा ऐ।

<><><><><><>

PM-Bhutan

भारत ते भूटान बश्कार अज्ज आपूं चें की सांझेदारी गी होर मजबूत कराने आस्तै केई समझौतें उप्पर दस्तखत कीते गे। एहू समझौते भारत दे प्रधानमंत्री नरेंद्र मोदी ते भूटान दे प्रधानमंत्री शेरींग तोबगे हुंदी मजूदगी च होए। प्रधानमंत्री हुंदा भूटान दा दौरा दौनें देशें बश्कार दपक्खी रिश्ते गी होर मजबूती देग। भारत इस्सलै भूटान दे समर्थ विकास उप्पर कम्म करा'रदा ऐ जिंदे च पन बिजली परियोजना, डिजिटलीकरण, सेहत ते शिक्षा जनेहू खेत्तरें दियां केई परियोजनां शामिल न। एहूदे कन्नै गै भारत ई-बिजनेस नेशनल सिंगल विंडो ते होर दुई राष्ट्री सेवाएं ते डिजिटल स्कूल जनेहू खेत्तरें च बी भूटान की सहायता करा रदा ऐ। प्रधानमंत्री मोदी होर अज्ज बड्डलै दऊं दिनें दे सरकारी दौरे उप्पर भूटान पुजे हे।

<><><><><><>

PM-Order of Drunk Gyalpo

प्रधानमंत्री नरेंद्र मोदी होरें गी भूटान दे सर्वोच्च नागरिक पुरस्कार the Order of the Druk Gyalpo कन्नै सम्मानित कीता गेआ। भूटान दे नरेश जिग्मे खेसर नामग्याल वांगचुक होरें अज्ज थिम्प च प्रधानमंत्री होरें गी एह पुरस्कार प्रदान कीता। इस मौके उप्पर बोलदे होई श्री मोदी होरें आखेआ जे एह उंदे जीवन दा बड़ा बड़ा दिन ऐ। उनें आखेआ जे हर पुरस्कार अपने आप च बड़ा खास हुंदा ऐ, पर जिसलै दुए देश थमां कोई पुरस्कार थ्हांदा ऐ जियां दवै देश सेही रस्ते उप्पर अगै बध रदे न। उनें आखेआ जे एह पुरस्कार उंदी निजी उपलब्धि नेई बल्के भारत ते 140 करोड़ देशवासियें दा सम्मान ऐ।

<><><><><><>

PM-Water Day

प्रधानमंत्री नरेंद्र मोदी होरें आखेआ ऐ जे सरकार टिकाऊ जल प्रबंधन दी दिशा च कम्म करने लेई बचनबद्ध ऐ। अज्ज पानी सरबंधी कुल संसारी ध्याड़े दे मौके पर सोशल मीडिया दी इक पोस्ट च श्री मोदी होरें आखेआ जे पानी सब्बनें जिंदगिएं लेई अत्त लाजमी ऐ ते सरकार इस बेशकीमती संसाधन दी हिफाजत लेई बचनबद्ध ऐ।

<><><><><><>

Ajatshatru-UN

बीजेपी दे नेता ते साबका मंत्री एम.के. अजात शत्रु सिंह होरें जम्मू-कश्मीर थमां दफा-370 हटाने दे भारत सरकार दे दलेरी भरोचे फैसले दी सराहना कीती ऐ। उनें आखेआ जे इस ऐतिहासिक गैहू नै पिच्छले 7 दहाकें थमां खित्ते दे लोकें कन्नै होआ करदी बेन्यायी गी खत्म करी दित्ता ऐ। संयुक्त राष्ट्र च अपने भाषण दरान बोलदे होई अजातशत्रु होरें आखेआ जे 2019 च कीते गेदे संवैधानिक सुधार दे बाद थमां प्रदेश च आतंकवादी वारदातें च बड़ी मती कमी आई ऐ। उनें आखेआ जे पिच्छले 9वें बरें दौरान जम्मू-कश्मीर नै ढांचागत विकास जियां नमें मेडिकल कालेज स्थापित करने, सुरंगां, रेलवे लाईनां ते नागरिक ढांचा खडेरने च इक नमीं क्रांति दा दौरा दिक्खेआ ऐ। उनें इब्बी आखेआ जे खित्ते दी सगोसार सांस्कृतिक विरासत दी सांभ-संभाल जकीनी बनांदे होई एह तरक्की हासल कीती गई ऐ। साबका मंत्री होरें संयुक्त राष्ट्र गी अपील कीती ऐ जे ओहू पाकिस्तान दे नजैज़ कब्जे आले जम्मू-कश्मीर दे लोकें दी हालत च सुधार लेई ओहू ठोस गैहीं पुट्टै। अजात शत्रु होरें आखेआ जे एह अत्त लाजमी ऐ जे आलमी बिरादरी इनें लोकें दे बुनियादी हक यकीनी बनाने दे कन्नो-कन्नो उंदिएं समस्याएं दा नबेड़ा बी करोआ।

<><><><><><>

DSS-Jammu

डोगरा सदर सभा दे प्रधान गुलचैन सिंह चाढक होरें औंदे बसाखी मेले दे कन्नै-कन्नै आयोजित कीते जा'रदे डुग्गर मेले दे बारे च जानकारी दित्ती। उनें इस मेले दे सांस्कृतिक महत्व उप्पर लौऽ पाई जिसी जम्मू उत्सव बी आखेआ जंदा ऐ। अपनी सभा दे निश्चे गी दोहरांदे होई चाढक होरें होरनें सदस्यें दे कन्नै इस डुग्गर मेले दे समारोह गी मता उत्साह भरोचा बनाने लेई सगंध चुक्की। उनें इयै नेही कोशशें ते पैहलकदमियें कन्नै डुग्गर संस्कृति गी बचाने दे मकसद गी बी उजागर कीता।

<><><><><><>

Accident

जम्मू दे बाहरले इलाके मीरां साहिब च इक मिनी बससै दे पलटोने करी ओहूदे च सुआर इक जनानी दी मौत होई गई ते दो होर जनें जख्मीं होई गए। पुलस दे मताबक अज्ज बडुलै एहू मिनी बस सड़कै उप्परा पलटोई गई ही। घायलें गी आरएसपुरा दे उपजिला अस्पताल च भर्ती कराई दित्ता गेदा ऐ। होर ब्यौरे गी बलगेआ जा'रदा ऐ।

<><><><><><>

AIIMS

जम्मू दे साम्बा जिले च विजयपुर स्थित एम्स अस्पताल च मते चिरा थमां टेलीफोन उप्पर सलाह मशवरा लैने लेई बलगी जा'रदी Tele medicines आहली सुविधा अगले हफ्ते थमां शुरू होई जाग। एम्स दे निदेशक डॉ. शक्ति गुप्ता होरें दस्सेआ जे इस सरबंधा च तयारियां जारी न ते परीक्षण कीते जा'रदे ना। उनें अगगे आखेआ जे इस सुविधा दे शुरू होई जाने दे बाद एम्स दे माहिर डाक्टर टेलीफोन उप्पर जिला सतह दे सेहत केंद्रें च इलाज करा'रदे मरीजें दे बारे च मेडिकल मशवरे देई सकडन। इनें केंद्रें च दाखल दूर-दरेडे इलाकें दे मरीजें गी इस सुविधा दा मता फायदा होग। उनें एहू बी जानकारी दित्ती जे जरूरत पौने उप्पर मशवरे दे बाद मरीज गी एम्स अस्पताल च भर्ती कराई सकने दा बी प्रावधान होग। एहूदे अलावा एम्स दे अमले गी सखलाई देने आस्तै दिल्ली एम्स अस्पताल दे अमले गी उपकरणें दी सखलाई आस्तै लाया जाई सकदा ऐ।

<><><><><><>

EVM-Trainig Samba

साम्बा जिले च संसदी चुनावें दे मद्देनजर चुनावें तैयारियां गी सबूरा करियै इक्क उपलब्धि हासल करी लैती ऐ। इत्थे ई.वी.एम. मशीनें गी चलाने दी सिखलाई सफलता कन्नै सम्पन्न होई गई ऐ। एहू कम्म सांबा दे रिटर्निंग अफसर अभिषेक शर्मा हुंदी निगरानी हेठ अंजाम दित्ता गेआ। इस बारै बोलदे होई उनें आखेआ।

<><><><><><>

EVM-Training Kathua

लोकसभा चुनावें गी रमानदारी आले ढंगै सिर कराने आस्तै कठुआ च चुनावें दी ड्यूटी कन्नै सरबंधत कर्मचारियां गी इलेक्ट्रॉनिक वोटिंग मशीनां, यानि ई.वी.एम गी चलाने दी सिखलाई दित्ती गई। ई.वी.एम दे कन्नै-कन्नै इनेंगी वी.वी-पैट मशीनें गी चलाना बी सखाया गेआ। कठुआ च इस्सलै 6 जिला असेंबली हल्के न जित्थे 701 मतदान केंद्र होडन। इनें केंद्रें च मतदान आस्तै ई.वी.एम मशीनां लाइयां जाडन। कठुआ दे तहसीलदार विक्रम कुमार होरें जेहडे के ई.वी.एम सखलाई सेल दे इंचार्ज बी हैन, उनें चुनावें कर्मचारियां गी ई.वी.एम गी चलाने दे तरीके गी चंगी चाल्ती समझी लैने लेई आखेआ तां जे मतदान आले रोज इंदे च कोई विघ्न नेई पवै।

<><><><><><>

Reasi-SC

औंदे लोकसभा चुनावें दरान 80एं ब'रें शा मती उम्मी दे बुजुर्ग मतदाताएं गी पैहली बारी अपने घरै थमां गै वोट पाने दी सुविधा उपलब्ध होग। रियासी दे इक मतदाता करमदीन हाजी दा इस बारै गलाना ऐ।

<><><><><><>

Martyrs-Cup

भ्रष्टाचार नरोधी ब्यूरो दे निदेशक शक्ति पाठक होरें शहीद नायकें गी श्रद्धांजलि देने दे तौर उप्पर जम्मू दे मौलाना आजाद स्टेडियम च Martyrs Cup season 2-T-20 Cricket मुकाबले दा उद्घाटन कीता। इस मौके पर उनें जम्मू-कश्मीर दी परानी क्रिकेट एसोसिएशन दे सदस्यें आस्सेआ एहू मुकाबला आयोजित करने लेई उंदी सराहना कीती। उनें आखेआ।

<><><><><><>